

PRAVILA NAGRADNOG KONKURSA "KIA TE VODI NA SVJETSKO PRVENSTVO"

Član 1.

Pravilima nagradnog konkursa „KIA TE VODI NA SVJETSKO PRVENSTVO“ (u daljem tekstu: Pravila) uređuje se organizacija nagradnog konkursa „KIA TE VODI NA SVJETSKO PRVENSTVO“ (u daljem tekstu: Nagradni konkurs).

Pravila sadrže odredbe o organizatoru, načinu organizovanja konkursa, nagradnom fondu, uslovima za učešće, obavještanju učesnika u konkursu, odgovornosti organizatora prema učesnicima konkursa, kao i druga pitanja od značaja za organizaciju Nagradnog konkursa.

Organizator Nagradnog konkursa je KMAG BH d.o.o. Sarajevo, ul. Safeta Zajke broj 181, JIB 4200516120006 (u daljem tekstu: Organizator).

Član 2.

Organizator organizuje Nagradni konkurs pod nazivom "KIA TE VODI NA SVJETSKO PRVENSTVO".

Nagradni konkurs se sprovodi u saradnji sa Kia Corporation, koja će operativno organizovati sve aktivnosti vezane za transfer pobjednika iz cijelog svijeta, smještaj i program na samoj lokaciji na kojoj se održava Svjetsko prvenstvo u fudbalu.

Član 3.

Cilj Nagradnog konkursa je povećanje obima prodaje proizvoda u maloprodajnim objektima, kao i reklamna promocija vlastitog brenda.

Član 4.

U Nagradnom konkursu može učestvovati svaka punoljetna fizička osoba s prebivalištem u Bosni i Hercegovini, koja prihvata ova Pravila i koja ispunjava uslove za učestvovanje u Nagradnom konkursu, detaljnije opisane u članu 5. ovih Pravila.

U Nagradnom konkursu ne mogu učestvovati zaposlenici Organizatora, zaposleni u preduzećima koja čine mrežu ovlaštenih dilera i servisa Organizatora, kao i članovi njihove uže porodice.

Član 5.

Opis Nagradnog konkursa:

U Nagradnom konkursu mogu učestvovati osobe koje ispunjavaju uslove iz člana 4. ovih Pravila i koje sklope ugovor na web stranici www.kia.ba te nakon toga obave besplatnu probnu vožnju kod bilo kojeg ovlaštenog Kia distributera na području Bosne i Hercegovine.

Prilikom unosa podataka u posebnu aplikaciju na web stranici www.kia.ba obavezno je unijeti sljedeće podatke: ime, prezime, kontakt telefon, e-mail adresu. Pored ovih podataka, u posebno određenom prostoru na stranici, učesnik upisuje odgovor na konkursno pitanje „Osmisli svoj navijački slogan?“. KMAG BH d.o.o. se obavezuje da će bazom prikupljenih podataka upravljati u skladu sa Zakonom o zaštiti ličnih podataka.

Probna vožnja se mora obaviti za vrijeme trajanja Nagradnog konkursa i samo u radno vrijeme salona u Bosni i Hercegovini u kojima se može obaviti probna vožnja. Za upravljanje vozilom učesnik mora imati važeću vozačku dozvolu B/B1 kategorije. Vozači sa probnom vozačkom dozvolom ne mogu obavljati probnu vožnju i ne mogu učestvovati na konkursu.

Nagradni konkurs traje od 10.09.2022. do 24.09.2022. godine. Po okončanju Nagradnog konkursa, komisija će u prostorijama sjedišta Organizatora dana 27.09.2022. godine razmotriti pristigle odgovore na pitanje i nagraditi dva najkreativnija odgovora. Komisiju čine tri člana koje imenuje direktor Organizatora. Svaki član komisije ima sljedeći broj bodova koje može dodijeliti učesniku za kojeg smatra da je dao najkreativniji odgovor: 5 bodova, 3 boda, 1 bod.

Član 6.

Nagradni fond:

Organizator dodjeljuje ukupno 2 glavne nagrade, koje predstavljaju nagradni fond Nagradnog konkursa. Organizator, kao pravno lice, garantuje za sve nagrade u nagradnom fondu.

Glavna nagrada je putovanje za dvije osobe u Dohu (Katar) na fudbalsku utakmicu Engleska-SAD sa svim troškovima plaćenih avionskih karata, smještaja (4 dana/3 noći), ulaznica i svih potrebnih transfera na licu mjesta. Dobitnik nagrade je samostalno odgovoran za dobijanje vize za Katar i dokumenta "Hayya card" i snosi sve troškove pribavljanja ovih dokumenata i pripreme potrebne dokumentacije za njihovo dobijanje. KMAG BH d.o.o. nije odgovoran za eventualno odbijanje Ambasade Katara da pobjedniku i pratiocu izda vizu. Također, dobitnik nagrade mora ispuniti sve zdravstvene uslove koje propisuju katarske vlasti za ulazak u tu zemlju i samostalno snositi sve troškove vezane za ispunjenje ovih uslova.

Nagrada osvojena u Nagradnom konkursu može se predati samo lično pobjedniku (ili licu koje on ovlasti) i ni pod kojim okolnostima se ne može zamijeniti za novac.

Član 7.

Ukupna vrijednost fonda dobitaka na dan 24.08.2022. godine iznosi 13.470 BAM sa PDV-om.

Nagradni fond sadrži slijedeće nagrade u robi i uslugama:

Naziv nagrade	Količina	Vrijednost nagrade*
Glavna nagrada je putovanje za dvije osobe u Dohu (Katar) na fudbalski meč Engleska-SAD sa plaćenim avionskim kartama, smještajem (4 dana / 3 noćenja), ulaznicama i svim neophodnim transferima na lokaciji.	2	6.735 BAM
UKUPNO:		13.470 BAM

*Vrijednost nagrade obračunata je prema cijenama na dan 24.08.2022. Tačna vrijednost avionske karte biće poznata u trenutku kupovine, nakon proglašenja i potvrđivanja imena dobitnika.

Član 8.

Pravila Nagradnog konkursa bit će objavljena u dnevnim novinama na teritoriji Federacije Bosne i Hercegovine i na službenoj stranici Organizatora www.kia.ba. Rezultati Nagradnog konkursa s imenom dobitnika bit će objavljeni na web stranici Organizatora www.kia.ba najkasnije 5 dana nakon završetka Nagradnog konkursa. Pobjednici će biti obaviješteni putem e-pošte o nagradi koju su osvojili.

Član 9.

Rok za preuzimanje nagrada je 30 dana od dana obavještanja dobitnika o nagradama. Nijedna od primljenih nagrada ne može se zamijeniti za novac, niti se može zamijeniti i/ili prenijeti na druga lica.

Ukoliko dobitnik glavne nagrade odbije da primi nagradu ili se utvrdi da ne ispunjava uslove za preuzimanje nagrade, nagrada se prenosi na sljedećeg dobitnika, prema rang listi koju sačinjava konkursna komisija. Ukoliko ne prihvati nagradu ili ne ispunjava uslove za njeno dobijanje, nagrada se prenosi na sljedeće rangiranu osobu. Ako se ne nađe na rang listi svih takmičara, glavna nagrada ostaje neraspoređena. Sve obaveze Organizatora prema dobitnicima Nagradnog konkursa prestaju u trenutku preuzimanja nagrade od strane pobjednika.

Član 10.

Učešćem u Nagradnom konkursu svaki učesnik prihvata prava i obaveze iz ovih Pravila, te daje izričitu saglasnost da:

(i) prima poruke na e-mail adresu i mobilni telefon u vezi sa učešćem i organizacijom Nagradnog konkursa, uključujući saglasnost za primanje SMS poruka u svrhu promocije ovog Nagradnog konkursa i/ili proizvoda/usluga Organizatora.

Dobitnici nagrada, pored prava i obaveza iz stava 1. alineja (i) ovog člana, daju Organizatoru izričito pravo da:

(ii) javno objavi njihovo ime u skladu sa pozitivnim propisima,

(iii) bez naknade koristi njihove osobne podatke: ime, prezime, broj telefona, adresu, slikovni i video materijal, radi objave u štampanom, zvučnom, slikovnom i video materijalu, a sve isključivo u svrhu organiziranja ove nagradne igre radi promocije proizvoda Organizatora,

(iv) prikuplja podatke o licima koja su osvojila nagradu, na način propisan od strane nadležnog organa.

Učesnici i dobitnici u ovom Nagradnom konkursu saglasni su da je sav navedeni materijal vlasništvo Organizatora i obavezuju se da će se suzdržati od bilo kakvih radnji protiv Organizatora po osnovu prava korištenja i/ili vlasništva navedenog materijala.

Član 11.

U trenutku preuzimanja nagrade, odnosno potpisivanja ugovora o preuzimanju nagrade, prestaju sve dalje obaveze Organizatora Nagradnog konkursa prema dobitniku. Pobjednik nema pravo tražiti od Organizatora veću nagradu od one definisane nagradnim fondom ovih Pravila.

U slučaju spora između Organizatora i sudionika, nastojat će ga riješiti mirnim putem, a ako to nije moguće, za rješavanje spora nadležan je Sud u Sarajevu.

Član 12.

Organizator se obavezuje da će umjesto dobitnika platiti porez u skladu sa Zakonom o porezu na dohodak.

Član 13.

Zaposleni u Organizatoru, kao i sva povezana pravna lica, dužni su da kao poslovnu tajnu čuvaju sljedeće podatke:

- o učesnicima (broj, identitet, ostali lični podaci)
- o mehanizmu organizovanja Nagradnog konkursa

Gore navedene podatke Organizator može otkriti trećim licima samo na način propisan zakonom.

Član 14.

Nagradni konkurs se može prekinuti u slučaju nastupanja okolnosti za koje Organizator nije odgovoran, odnosno koje nije mogao predvidjeti, spriječiti, otkloniti ili izbjeći. O prekidu Nagradnog konkursa sudionici će biti obaviješteni putem web stranice www.kia.ba na kojoj su objavljena i Pravila nagradnog konkursa.

Član 15.

Na ova Pravila je saglasnost dalo Federalno ministarstvo finansija Rješenjem broj: **UP 05-12-1-1213/22** od **30.08.2022. godine**.

U Sarajevu, dana 25.08.2022.
Broj: 029/22

Organizator: **KMAG BH d.o.o. Sarajevo**

Domen Habič, direktor